

*Sigillum: Nostro in reliquis, & alieno in omnibus jure salvo. Datum Parisius, anno Domini millesimo trecentesimo octuagesimo tercio, & Regni nostri quarto, menſe Novembris.*

<sup>a</sup> La Chancelier de France. Voy. le 5.<sup>e</sup> Vol. de ce Rec. pag. 653. Note (c).

*Per Regem, ad relacionem Conſilii, in quo Domini Biturie & Burgundie Duces, Vos Epifcopus Biturtenſis, & plures alii, eratis. P. MANHAC.*

CHARLES VI.

à Paris, le 5. de Decembre 1383.

(a) Mandement pour faire fabriquer des Gros Deniers d'Argent.

<sup>b</sup> *estrangeres.*

<sup>c</sup> ramassez.  
<sup>d</sup> moyennant.

<sup>e</sup> de 96. Pieces. au Marc.

<sup>f</sup> Voy. le 5.<sup>e</sup> Vol. de ce Rec. p. 235. Note (b).

CHARLES par la grace de Dieu Roy de France. A noz amez & seaulx les Generaulx-Maistres de noz Monnoyes: Salut. Savoir faisons que pour le bien & prouffit de Nous & de noz subgectz, & assin que nostre Ville de *Tournay* & le pais d'environ, soit peuplé & remply de noz bonnes Monnoyes, par deffault desquelles les Monnoyes <sup>b</sup> estranges y ont cours, & sont prinſes & mises, aucuns de noz amez & seaulx Conſeillers en nostre Chambre des Comptes, & Tresoriers, ont traicté, accordé & marchandé avec *Jacquemart Bachelier*, ou nom & comme Procureur de *Jacquemart Catine* demourant audit lieu de *Tournay*, en telle maniere que ledit *Catine* doit livrer & porter ou faire porter & livrer en nostre Monnoye de *Tournay*, dedans la my-Aouſt prouchainement venant, la ſomme de IIII.<sup>m</sup> Mars d'Argent, à XII. Deniers de Loy, Argent-le-Roy; tous lesquelz Mars d'Argent ledit Procureur ou nom dudit *Catine*, a promis iceulx estre <sup>c</sup> cueilliz & faire venir tant du Pais de *Flandres* comme dehors nostre Royaume; <sup>d</sup> parmi ce qu'il aura & luy sera payé de chacun Marc dudit Argent à icelle Loy, CXV. Sols Tournois. Si vous mandons que des dits IIII.<sup>m</sup> Mars d'Argent, vous faictes faire & ouvrir en ladicte Monnoye, Gros-Deniers d'Argent, semblables à ceulx qui ont cours pour XV. Deniers Tournois la Piece, lesquelz soient à onze Deniers VI. grains fin de Loy, & <sup>e</sup> de VIII. Sols de poix au Marc de *Paris*, comme ceulx que Nous faisons faire en nostre Monnoye de *Paris*, en faisant payer audit *Catine* par le Maistre de ladicte Monnoye, ledit pris de CXV. Sols Tournois pour chacun Marc; duquel ouvrage le Maistre-Particulier aura III. Sols Tournois, & II. grains de remede pour chacun Marc; & sera tenu ledit Maistre de Nous rendre & payer toute <sup>f</sup> l'escharceté de Loy qui sera trouvée en iceulx Gros-Deniers, au dessoubz de XII. Deniers de Loy, Argent-le-Roy, avecques la faulte de poix telle comme trouvée sera; & par rapportant ces presentes, ou *Vidimus* d'icelles collacionné par nostre Chambre des Comptes, & certificacion des Gardes de ladicte Monnoye sur ce, Nous voulons & mandons ledit pris de CXV. Sols Tournois pour chacun Marc, estre alloüé ès comptes d'icellui Maistre-Particulier, par noz amez & seaulx Gens de noz Comptes à *Paris*; nonobstant quelzconques Ordonnances, Mandemens ou deffences faictes ou à faire à ce contraires. *Donné à Paris, le V.<sup>e</sup> jour de Decembre, l'an de grace mil IIII.<sup>e</sup> IIII.<sup>es</sup> & trois, & le quart de nostre Regne.* Ainsi signé. Par le Conſeil estant en la Chambre des Comptes, ouquel estoient les Tresoriers, & aucuns des Generaulx-Maistres des Monnoyes. H. GUINGUANT.

Lequel Mandement les dits Generaulx-Maistres escriprent aux Gardes que yceluy ilz accomplissent, ainsi que le Roy le mande.

N O T E.

(a) Registre E. de la Cour des Monnoyes de Paris, fol.<sup>o</sup> 35. verso.

Avant ces Lettres, il y a: Mandement pour ouvrir IIII.<sup>m</sup> Mars d'Argent en la Monnoye de Tournay.

